

愚

齋

存

稟

愚齋存彙卷第六十八

電報四十五

寄太原張中丞

寄外務部

外務部來電

奉天增瑞堂將軍等來電

寄北京楊誠之星使

武昌張宮保來電

新民府增將軍來電

寄張宮保

外務部來電

長沙端中丞來電

寄外務部

江督周玉帥來電

寄周玉帥

張宮保來電

寄張宮保

張宮保來電

寄張宮保

寄開封陳中丞

周玉帥來電

寄外務部

寄俄京胡大臣

俄京胡鬱吾星使來電

寄外務部

太原張筱帥來電

寄張筱帥

又

寄津袁宮保

寄張筱帥

張筱帥來電

寄廣州岑雲帥張安帥

寄張筱帆中丞

張筱帥來電

上海楊杏城參議來電

寄粵督岑雲帥粵撫張安帥

岑雲帥張安帥來電

又

寄江督周玉帥蘇撫陸春帥

天津袁宮保來電

粵督岑雲帥來電

寄袁宮保

寄岑雲帥

袁宮保來電

寄袁宮保

又

袁宮保來電

又

又

寄袁宮保

愚齋存彙

卷六十八目錄

三 恩補樓藏版

周玉帥來電

太原張筱帥來電

寄袁宮保張筱帥

寄周玉帥

袁宮保來電

周玉帥來電

寄袁宮保

袁宮保來電

寄美京梁大臣

寄張宮保

蘇撫陸春帥來電

周玉帥來電

寄陸春帥

寄周玉帥

又

寄浙撫聶仲帥

杭州聶仲帥來電

寄京外務部商部

張宮保來電

寄張宮保



寄美京梁大臣

寄天津袁宮保武昌張宮保開封陳中丞

外務部來電

寄外務部

商部來電

寄北京商部南京周制軍蘇州陸中丞

張宮保來電

寄張宮保

愚齋存彙卷第六十八

電報四十五

寄太原張中丞

光緒三十一年二月初四日

前據潘道正月皓電以地價事蒙公派沈道林一商議數日已定仍照舊章發給其契價比定章高者驗契加給專候挨士一電卽稟帥立案等語尊處文勘兩電一撤蔣委一定地價蔣委已撤另委楊令爾瓚接辦地價辦法已蒙派沈道與潘道就近會商均遵照尊電辦理總而言之定章較紅契高者照定章發給定章較紅契低者照紅契發給此卽會示從優發給註腳於前批潘

道札行柯道仍是一線到底挨士謂舊契以二十八年以前爲準當係預防希圖善價紛紛改契之意路爲國家之路款亦 國家之款於體恤百姓之中仍寓撙節公款之意諒蒙垂察楊令購地職僅委員志道爲晉省大員熟悉地方情形楊令自應秉承辦理前札志道於購地有復勘之責並與潘道及挨士和商等語卽羣策羣力之意也 電簡略蒙復詢故詳及

寄外務部

二月初七日

開封河南兩府枝路大部於二十九年九月奏奉批准總公司於合同簽字後派員勘路亦已竣事據兼辦該

路之比總工司沙多稟稱接比公司電外洋銀市甚好請照合同十七款將二千五百萬佛郎全數小票一起招購以便該路兩段工程同時並舉於兩年內一起辦結懇電大部轉飭駐比楊使照約簽印等語當駁以二十一款祇訂明先購一千二百五十萬佛郎按九扣價值興辦第一段工程下餘一半分次招購當時因慮喫虧回息故不落一起招購字樣比電云云不能照准沙多登函聲敘前議實爲銀市便益起見料想日俄事結兩國紛出借票路票必致跌賤分購必更喫虧並援正太全購以爲證敝處堅持駁飭照合同祇能先購一半

本日接沙多函事關緊要冀免拖延比公司已遵依先購一半懇迅電部轉飭前來查第一段工程係滎澤縣東至開封府省會重要商貨輻輳幹路已抵黃河枝路亟應速辦比公司既不再以全購相瀆便是遵照合同應請大部恭錄奉 旨日期迅電楊使准比公司先售一半借票總數一千二百五十萬佛郎計分小票二萬五千號每號五百佛郎票式字句悉照盧漢正太式樣覆核無訛卽予蓋印並代督辦大臣簽印發交出售以速程功仍祈電示

外務部來電 二月初十日

陽電已電駐比楊大臣照辦矣

奉天增瑞堂將軍等來電

二月初十日

奉省自上月二十六起兩國戰事日緊逼近省城  
初五卯刻俄國全隊北退日師至省 陵寢

宮殿城市俱無驚擾居民難民亦皆安靜如常除  
電奏外敬以奉聞用紓盡系

寄比京楊誠之星使

二月十二日

汴洛借票悉照盧漢正太式樣核定先售一半二萬五  
千號每號五百法金請簽印

武昌張宮保來電

二月十二日

昨接 廷寄正月十九日奉 上諭有人奏粵漢

鐵路亟宜速籌結局一摺粵漢鐵路前已諭令張  
之洞等妥議籌辦迄今尙無成議著該督責成盛  
宣懷趕緊設法挽回以保路權事關大局不得延  
宕貽誤原摺着鈔給閱看欽此除恭錄咨行外特  
先電達聞有人電招惠惕爾來華與議路事鄙人  
深知惠惕爾素係比黨決不可信徹處斷不與議  
路事特先聲明能阻使不來最妥望卽電復

新民府增將軍來電

二月十四日並致周制台吳  
呂兩大臣

大咨敬悉承籌撥二十萬兩振撫奉省難民屢承

厚惠足徵大局關懷痾瘵在抱感激何已查戰局  
北踰難民亟盼復業自以補助歸耕爲第一要義  
現已飭屬分投查辦尊處派人匯款愈速愈妙到  
日再行妥商先此電謝何日到奉速復尤感日軍  
於初五日到藩後大隊並未進城 陵寢 宮  
殿城市一切無驚商民照常營業知念附陳

寄張宮保

二月十六日

廷寄由鈞處責成敝處趕緊設法挽回不得延宕貽  
誤自當欽遵秉承鈞指迅速辦理頃已電致合興公司  
云現又奉 旨責成廢約梁大臣並已於西十二月二

愚齋存彙

卷六十八

電報四十五

四

愚補樓藏版



十三號照會美政府在案特再聲明昨貴公司來函所云餘利小票及派總工程司均毋庸議張宮保來電惠君來華斷不與議特併聲明此電係由梁大臣轉交合興公司並知會美政府但未知康使照會外務部已否照復

外務部來電

二月十七日並致呂大臣

本部現照催未議商約各國請從速派員會議茲准奧訥署使復稱本國久經特派駐滬總領事錫爾士充當會議委員云希尊處卽照催該員定期開議

長沙端中丞來電 二月二十六日並致呂大臣

湖南湘潭常德均係繁盛碼頭水道亦稱便利現擬仿照岳州辦法自開口岸以興商務而保主權所有尙未訂約各國將來議訂商約務祈將湘潭常德兩處劃出作爲自開口岸是爲企禱

寄外務部 二月三十日

前由晉撫商派華礦師張金生赴晉據稟已測勘澤屬煤鐵各礦取點之處每點定十里爲限東南西北四至計四百方里僅舉距道澤鐵路十餘里最近之鳳臺縣五谷山一點而論煤層厚薄扯算折中以十四尺厚每

里方積約得煤一百六十八萬噸再乘四百方里計煤六萬萬七千二百萬噸每日出煤二千噸約可開千年之久澤屬煤產卽如此暢旺各屬亦遍地煤鐵甲於環球等語所呈煤樣與英國硬白煤相似值價最昂若以煉鐵毋庸改製焦炭誠爲至寶除商晉撫籌款設法密速購地外查附訂四條內大部添入煤礦實是要著第一款內所載煤礦如亦願意合辦屆時由商務局與福公司再行商議恐已不能再改惟標題所稱擬設山西鎔化廠並合辦山西鐵礦合同字樣可否加煤字繕曰合辦山西煤鐵礦合同第三款內該公司儘先公用可

否改爲該煤礦儘先供用此二處加改將來商議稍好  
面子不甚喫重似可在奏咨合同內徑改不必先與哲  
商亦必須由大部與哲商改乞鈞示此電詳敘澤煤佳  
處並祈祕之

江督周玉帥來電

三月初五日

南北洋海軍現奏聯爲一家滬船塢擬派官照商  
章辦理屢與袁慰帥商酌惟副將吳應科堪管廠  
務現在鐵路供差蒙公引用然其專學係在海軍  
輪駕現在實無可易急待吳協來甯商定船塢章  
程望公選員替吳俾其速行公素顧大局望見允

馥與袁慰帥等並感公誼

寄周玉帥

三月初六日

南北洋海軍合爲一氣自是正辦滬船塢改照商章辦理招商局輪船亦可修理免受洋商挾制實是防損取益良法深爲欽佩吳副將應科在滬甯管理處月薪三百兩本是總理收支近因朱道赴北代理總辦正派不荷願資臂助但船塢緊要自應遵照另派委員接替卽令赴甯以副台屬

張宮保來電

三月初

聞合興公司曾向尊處開送頂售公司價值事在

何時開價若干祈速密示切盼

寄張宮保 三月初九日

做處並未與合興議及頂買公司亦未開過價值惟去夏席道在滬曾與湘紳商擬密收合興股分五月初十買進一百二十股每股一百八十五金元共計美金二萬二千二百元席道因接湘電中止該股票尙抵在銀行鎮東現議全數頂買尤爲痛快未知索價若干可否密示

張宮保來電 三月十一日

聞浦信鐵路有改接襄陽之說未知確否查前奉

諭旨應造鐵路地段勘定後着繪圖貼說移送  
該管督撫派員查明如無窒礙始可開工如與他  
國公司議立各項合同條款亦着先由各督撫核  
定始可簽押等因是凡造鐵路經過省分督撫責  
任甚重今浦信鐵路外間喧傳有改接襄陽之說  
恐必有因而做處未准尊處一字電商不勝疑悶  
焦急現襄信開鐵路鄂省正議勘估修造務請轉  
告該公司萬勿繞道侵越界限鄂省斷不承認是  
否屬實祈速電復

寄張宮保

三月十一日

襄陽鐵路做處一無所聞浦信鐵路從前雖奉文議過  
近亦無信

寄開封陳中丞

三月十一日

汴洛支路已飭沙多先辦開封至鄭州一段俟比款一  
到即可開工正與卓見相合至洛陽一段工甚艱不妨  
稍緩惟該段礦甚好最好趁此閒暇查明實有何礦先  
派礦師勘買其地免得外人覬覦譬如澤道路全爲礦  
造外人慣使先着我何妨效之乞酌示

周玉帥來電

三月十二日並致呂尙書

昨青島稅司電東撫轉電數處現有捷成洋行派



輪船赴海州青口兩處置運豆餅旋據海州電稟  
海州係不通商口岸未准販運又據稅司電稟去  
年三月外部有續立關章第三條適符此案云第  
查此條內有照章由青島赴內地各處一語似係  
指內港而言並非由通商口出海逕到不通商口  
且查此續章首條載明總應按二十四年五月七  
月所定內港行輪章程並二十八年八月補續章  
程駛行等語查二十八年續議內港章程係煩兩  
公蓋籌遍查亦無適合成案惟山東羊角溝龍口  
窩杏翁創議通輪相沿已久不知是否卽用內港

章程抑另有專章望查明詳示爲感

寄外務部

三月二十三日

前咨胡使請仍照承審判詞科罪八年明知未必能允但其時不能不作此宕筆俄領允給撫卹因有此咨難與議定現在情形似可將撫卹銀數議定候胡使咨復即可了案惟甬人之意不願明受撫卹擬做一工藝小學堂數宜略優俄領前云只能給家屬數目請示雷使似辦學堂又不可與俄使直說胡使尙無電來容卽電

詢

寄俄京胡大臣

三月二十三日

周案照彼原擬禁八年如能商允人心始平如辦不到  
必須格外優給撫卹方能了案候復

俄京胡馨吾星使來電

三月二十五日

周案牘電均悉切商外部辨論至再伊謂案應由  
駐使與大部商議未便遙制又聘商別國名律師  
如能改禁八年允酬重資伊細核原案謂周係誤  
死俄律監禁不過數月擬禁四年疑是俄使授意  
從重若交此間議律院覆核決難加重且恐減輕  
雖有重酬伊難承辦撫卹外部已允似可令苦主  
具稟重索由大部調停酌減較易措詞就範乞密

寄外務部 三月二十六日

昨抵漢接胡使電罪名難加重而卹款令苦主遞稟又非甬人所願好在俄外部已允俄署使亦謂仍可議結擬請大部復告該署使盛某前允商貴國改禁年分人心乃定今難照允只得商請優給撫卹云如能做到五六千兩便可了案因工藝小學堂至少需萬金俄卹一半餘一半或可勸官商湊捐名曰生有工學堂藉以平人心而已數目一定卽由領事發領再由苦主捐辦學堂可不必告知俄人乞鈞酌

太原張筱帥來電 四月初四日

聞台旌卽抵石莊咫尺不得一見爲悵鐵路入晉首段已勘畢批准惟挨士挑剔紅契欲抵成發價查民間多年舊契展轉割賣畝分四至斷難吻合但查非影射僞契卽應照契發價又挨士於未發價前硬行開工民情惶惑弟有彈壓保護之責不能不求公主持挨士不講情理晉固不受恐亦違公節制尙乞查明嚴諭遵辦至爲感禱並賜電復

寄張筱帥

四月初七日

昨抵石莊奉支電首段地價已飭照潘守到局原議僅刪八戶改歸定章餘悉照契發給審房亦飭照該守與

楊令所約二十兩十五兩十兩之價辦理第意不願苛待小民實與尊意相同惟契載畝數亦不應與部尺丈量懸殊過多熟思不得其故及詢委員四至不符居半或有借契呈驗之弊總工程司面稟入手若不計虛實恐後來效尤更甚鄙見初次不妨從寬已諭令悉照潘守所議趕緊發價嗣後似應酌定丈量與契載不符在二成以內者仍照契給價如契載十二畝而丈量十畝亦准按契價科算如過此數不收其契庶於寬厚中稍示限制卽此次呈驗七十三契按畝八成相符者亦近六十紙可見奉公守法之良民居多也並恐毘連之地

或照紅契優給或照定章付價地同價異良民比刁民  
喫虧是以驗契不能不慎昨接京城道勝銀行電稱正  
太在直境所購各地向係先開工後給價從無轉轄現  
在晉撫不允挨延時日路工喫虧極大務懇電請晉撫  
先准開工等語弟查各省購地確是丈量後一面開工  
發價略後亦無爭論潘道呈閱鈞電亦祇謂價銀既未  
定給民情卽難允服可見重在定價不重在發價深爲  
欽佩已面諭潘道發價逾丈量日期不得任意遲緩民  
情可與樂成難與圖始只須開辦時見信於民此後自  
能妥貼務求台端電飭志道潘守現已定價卽令開工

以杜藉口爲禱弟今日驗工明日卽行不及赴晉親聆  
大教殊深悵惘

又

四月十四日

地契重在分別真僞責成州縣逐契嚴查庶杜刁民巧  
混尤佩蓋籌周密惟嚴查不以四至畝分爲憑恐無他  
法可定真僞平定州謂山水冲刷故畝數增損雖非影  
射而已經冲刷之地民間交易亦必照現畝計價鄙見  
地價儘可從寬但宜求一平允善法使良民不比刁民  
少得錢於心始安公有同心乞再裁示

寄津袁宮保

四月二十一日



復函遵辦董道已見亦云煤鐵富厚彼意須着重地方  
官告以須紳商出名故欲借重外務部昨接筱帥電福  
公司已派礦師要開平定州煤礦此卽合同內澤路平  
孟之一事機甚急筱帥前商籌款派礦師去如公允派  
鄺榮光同董道前往鄺見擬集款三十萬兩作爲商辦  
底本直晉滬各籌十萬目前只須先措一半並囑派晉  
員密飭四處州縣候礦師到卽迅購地此舉權利百倍  
於臨城大治尊意如何乞速示

寄張筱帥

四月二十一日

頃聞外務部接尊電福公司索辦平定州煤礦是係爲

正太鐵路將抵平定力爭先着去冬電商會已領商本  
三萬往鳳高購地未知張金生所勘已全購否昨與慰  
帥面商平孟澤潞均屬產富平定尤急張金生本領不  
及鄭景陽或可商派直隸候補道太原人董崇仁等帶  
礦師先往平定隨勘隨購但事須密速潘守如在平陽  
請卽電飭密查產礦處所鄭張一到可免耽延趁潘守  
正購路時一手妥辦尤無痕迹至經費上海勘礦公司  
可酌撥數萬慰帥亦允撥助但求多購佳地勿惜小費  
福公司合同日內簽字屬字專指平陽一節因洋文與  
漢文不同外部亦難辨證乞電復

張筱帥來電

四月二十五日

地價委許令與志道商辦仍賴公爲主持楊令辦事甚妥是否仍令幫辦福公司事前准咨到合同奏稿當以該公司專辦字樣有一網打盡之意原議民人先經開採不得侵佔今合同並無此語必須聲明中國商民自開各礦無論土法機器不得禁止免蹈膠濟禁民開礦之弊曾電商外商兩部奉復俟晉商局與訂詳細合同切實聲明然非我公先爲之地恐生異議此事關係至重現合同簽押如不便添可否另具公牘聲明此意祈酌示合

辦煤礦雷參議問答語中稱商議不妥自然合不  
起來是合辦尙屬空言必能辦到各開各礦方能  
保守權利承示商明慰帥派董道崇仁偕鄺礦師  
到平定勘礦熱心毅力同深敬佩潘守在平自可  
隨到隨勘惟該工程司亦在平恐難秘密晉省公  
款頗難挹注商富又無遠見極力慫恿迄無應者  
上年鳳臺礦地祇擇要購定數處平澤均有紳商  
自立礦產公會不准私售雖空言不足抵制然可  
勸其以地入股承公與慰帥撥款資助當可相與  
有成布機絳州所存查有清單新鄉等處存有鍋

爐笨重之件刻已委員往查又聞有榨油機器尙存上海華盛西廠請公查示爲幸程軍門函稱所購礦地願來開辦晉商會亦樂從也

寄廣州岑雲帥張安帥

四月二十六日

日俄海軍二十四在日韓交界處大戰俄艦被虜及沈沒大小十艘餘散走尙無消息

寄張筱帆中丞

五月初一日

有電福公司事須聲明商民自開各礦無論土法機器不得禁止合同如不便添屬商另具公牘聲明足徵遠慮查專辦二字係照鈔晉局合同現與外務部熟商奉

堂諭鎔化廠條款係爲挽回製鐵之權卽合辦礦務亦須將來詳定章程由晉省籌辦非空言所能了事原訂合同本不作廢民間已開之礦仍應按照十六款該公司不得侵佔現擬與哲美森商明加一附件文曰所有此次鐵路總公司與福公司商訂中國擬設山西鎔化廠並合辦山西平孟潞澤五處礦務合同四條凡光緒二十四年卽西歷一千八百九十八年山西商務局與福公司原訂章程所已載而此次合同內未詳及者仍照山西商務局原議章程及第一條內所言另行會訂之詳細合同辦理各無異詞等語俟商妥再奉達惟原

合同係指以前土礦而以後自開各礦並未提及此時若另具公牘聲明恐英使不允反有實據幸第一條巡撫尙有查明地方情形無礙一語華商果能自開各礦憑單可不發給但恐華商無此力量仍落其後弟所以力請速購礦地者一則留爲自辦彼不能奪一則合辦可作股本庶不致空言無補尙乞我公迅速籌之

張筱帥來電

五月初六日

福公司原訂合同本不作廢再加附件聲明自較切實惟自開各礦不重以前土礦而重以後機器所開此時既難提清喫緊全在詳細合同若恃晉

力磋商恐難就範況如總工程司利德來晉並不  
知會非有部示晉亦無與議之權現利德已由平  
定還豫留礦師蕭密德租寓平潭合同英文既無  
屬字平定孟縣又經提出果能內外堅持他屬當  
可劃出晉商慫恿不動今平定已設公司或可聞  
風興起澤潞遍地皆礦購不勝購董道如能集股  
擇尤購買自是先著請與商之

上海楊杏城參議來電

五月十七日

接奉大咨踏礦銀行鐵政等項游學經費仍飭做  
處分期匯寄等因查做學堂既稱實業一切試驗



各廠均須興造開辦經費甚巨卽就常年經費而論現預算歲需十二萬金輪電兩局勉籌添撥綜核大數不敷尙多所有前項學費前經議定分任籌辦將來此項學生卽歸各該局廠量材錄用或尙可以措手張守意在就路礦銀行鐵廠籌款仍歸學堂彙總原屬正辦惟各該路礦行廠經費一日不能議定數目一日卽不敢擔承學費前蒙面允後業飭文案處分頭知照出洋學生在案遽改前議實難遵辦且春初宮保電復本部有分任籌款竭力擴充之說則此時常年不敷之款尙冀堅

持前約分籌鉅款以維大局輸電兩局及學堂均  
爲宮保手創苟有餘力何敢推諉亦何必推諉區  
區苦衷伏乞鑒諒並飭知張守遵照無任感禱

寄粵督岑雲帥粵撫張安帥

六月十三日

英使派參贊來議廣九鐵路以九龍租界二十五英里  
港督籌款自辦廣州華界一百一英里請照二十五年  
草約借英商款一如滬甯辦法弟告以九界港督自辦  
已與草約不符廣界亦應由粵督自辦披云中國未必  
能自籌款徒屬空言延宕前見尊電請部堅持自辦果  
能紳民一心應允籌款不致空言請速切實電致外務

部及做處以憑抵拒

岑雲帥張安帥來電

六月十七日並致外務部

盛宮保願電悉廣九鐵路一付外人則權利盡失  
粵中無論如何必須籌款自辦以保路權斷非空  
言抵拒請向英使堅持以維大局無任感禱並祈  
示復

又

六月二十三日並致外務部商部鄂張宮保

九廣鐵路英注意已久現因粵漢贖路向英貸款  
藉此要求昨英領函商辦法有二一則有九龍至  
省城全在華界者照滬甯合同辦理一則九廣全

路作爲合辦照外附合同辦理並將兩國政府擬訂合同草稿鈔附送閱查鐵路合辦流弊滋多惟現若力拒一則慮貸款難成一則慮終不能拒昨派員面告英領擬劃明界限英屬界內聽彼自築其九龍華界至省則由粵自行籌修俟將來全路均成再行接軌如慮空言推宕應訂以五年爲期如我尙未開工屆時再議合辦在英政府爲暢通香港商務但求此路之必成粵漢自辦既可徇英人之請亦可免別國效尤英領尙無異言大部如此說爲然請卽咨會盛宮保切商駐使聲明劃

界自辦一面由香帥面告英領許以此路必辦借款之事或可從速定議也仍乞密示

寄江督周玉帥蘇撫陸春帥 六月二十七日

滬甯借款造路實係中國產業合同第七款訂明地稅等須俟各路一律徵收方可照解洋人所稱地稅卽錢糧總公司已購上寶嘉青崑新長元吳錫金各地先由段員開列花戶畝分送縣印契過入鐵路戶名因趕辦總冊是以尙未咨請豁免頃嘉青紳耆稟稱上忙糧串已出路基未准免糧求矜恤等語務懇台端行司飭縣按照段員已購戶名吊串摘免做處總冊造竣另援鐵

路通行章程專案奏咨辦理除咨達外乞電復

天津袁宮保來電

七月初七日

函咨均悉盧漢大借款合同係以路產車腳作爲擔保雖有付利還本不敷由中國設法彌補之語而並無國家擔保字樣今小借款合同第二款有均係中國國家擔保一語似不甚妥且凱議津鎮約因國家擔保一節相持數年不肯允如會此奏恐德人指責應請改爲均係中國總公司擔保望酌更正示知

粵督岑雲帥來電

七月初八日並致外務部商部

九廣鐵路前派員面告英領以劃界自辦之議尙無異言現承鈞部暨盛宮保允向英使堅持自當不難就範香帥有電所言與英大小異軌並闢埠築壘三端皆爲防杜外患所慮本極深遠然待門戶洞開之後而始議設防究恐難資抵禦此路如能終拒固屬上策倘以業有成約必不能拒惟有扼定自辦宗旨力與磋磨所有此路合同將來務請咨由粵省詳加體酌期免窒礙請勿由鐵路總公司遽與定議大局幸甚

寄袁宮保

七月初八日

小借款合同第三款 國家擔保一語應酌更正極是  
現與比公司商妥仍照大借款合同第七款改爲 國  
家批准刪去擔保並將四字易以批准言明四字尊意  
想以爲然仍請核定電示香帥回文已畫諾比公司又  
有電催祇候鈞復卽行繕奏

寄岑雲帥 七月十一日

九廣劃界自辦英使及英公司如再來言必照尊意堅  
拒總公司決不與彼定議

袁宮保來電 七月十六日

董道電稱現擬辦法以十萬購地十萬購機器十



萬辦開採請示遵辦云查十萬購機恐畫虎不成  
此事應由公主持望核示飭遵

寄袁宮保 七月十六日

十萬購機誠屬空話目前說不到此只要鄭道迅速勘  
得真礦紳商出頭購歸公司擇其要者暫用土法試挖  
便是先著請催鄭道速行

又 七月十八日

鄭道到晉甚慰大世兄才學俱勝晉紳請充總董似不  
妨往來其間以鼓其氣鄙見今世界莫重於煤鐵而煤  
鐵莫富於晉所盼安帥善籌之

袁宮保來電

七月十九日

豚子正在讀書萬不敢令遠出任事近日堅約出洋尙不敢許也安帥過津當面告晉事

又七月二十日

據董道電稟鄺道已到晉隨測繪員役及買騎馬具領支銀五百兩公司帶金一千兩均奉筱帥諭從商務局借用二十一日先赴平定次及澤州次第勘購應需款項飭職道等請宮保先發頭批銀兩以資購地再冀甯道丁道寶銓並充商部顧問官精於交涉於礦務更爲關切職道在此多所請

教擬請電筱帥委爲公司暗中坐辦於公司大有裨益可否示遵等語祈核示飭遵

又 七月二十日

晉購礦機尊意非目前所能說到但須勘得真礦先用土法開挖便占先着弟亦謂然經電告董道頃接筱帥電稱據董道迭次來電現商令會同鄺道潘守赴平定擇要勘購惟須購定卽購機開辦若僅購地而不開辦恐難抵制至土法所開各礦遍地皆是並有已開而因水停廢者擬令地主或公司用機接續開辦亦足杜其藉口若平不能爭

則澤亦棘手也董道稱津滬股款可先撥二萬晉亦先撥一萬以資舉辦云查用機器大辦非百萬不濟事晉礦籌款無多若一購機則購地款少難籌抵制究應如何妥辦祈酌示

寄袁宮保

七月二十二日

尊意用機器大辦非百萬不濟事竊恐尙不止百萬且必不止一礦該處白煤烟煤兼產至少一處兩礦彼既執合同問我大舉勢必爭先鄙見全在搶買佳地如得唐山亦要得林西且恐唐山至林西沿途皆可開採所以必須廣購也土挖明知無用但因原合同載民人先

經開採者不得侵佔故出此下策總之鄭道擇地購地最關緊要如能獲到有一無二之礦足以包括一區公可密飭該道估計本利開具說帖另行商辦乞鈞裁酌復彼帥做處不另電致以歸一氣丁衡甫本是好手宜與同鄉世交擬卽切實函託安帥到津公可面商派令暗中料理

周玉帥來電

七月二十五日

奉咨免甯滬鐵路地糧已轉行矣按語意似賣戶免糧路工亦不完糧查山東路約德人照他處辦理係活筆意指東清津榆惟東清官地多津榆路

歸官前年電詢鄂滇粵諸帥皆言候路工畢查明  
納糧此事究應如何如無定準似應奏明糧銀無  
多名分極重公統籌全局想有成竹望示復

太原張筱帥來電

七月二十六日並致袁宮保

礦事論款論勢均不能大辦鄙意先就平定已開  
之礦用吸水起重小機器試辦鄭云需款無多既  
可爲已開之據又可令晉人見利購機廣開舊礦  
免彼杜絕機器之路董鄭均以爲然至佳礦鳳高  
最多購不勝購去年張金生已勘定數處擇要先  
購亦好彼處地戶亦可勸之入股此事祇能紳商

出頭官不露面前已切囑董道伊等約到平定兩

電均經鈔寄

寄袁宮保張筱帥

七月二十七日

董道寄福公司致商務局函內云廿四年福公司蒙准專辦煤鐵礦惟彼時所開之礦准其照舊興工此外無論洋人或本地人概不准在平定州境內及蒙批准章程內所載福公司他處開礦之地再開新窰等語擬復信稿雖妥然我若大舉彼必爭先鄙見總不如趕緊勸購使佳礦悉歸紳商公司或給股票或給現銀皆須提前年月立契歸公司執業契內載明前後左右地畝悉

聽買主開採隨時補給價值但不得租賣與他國人及  
他省人開採並在有司衙門稟定將來自行開採或用  
機器或用土法照章完納各項稅捐並報効 國家但  
礦歸公司承買縱橫三里之內不准他人另行開鑿批  
准報部立案如此則買成一礦便可保全三里之內無  
人佔奪果使礦產不爲彼得則權自我操目前不致決  
裂將來必獲大利購機廣開皆可徐圖澤州亦須速辦  
張金生已到京是否須令赴澤乞示

寄周玉帥

七月二十八日

鐵路免糧銀數無多名分極重尊見甚佩現各省均無



奏定章程祇可暫從緩議好在佔地無多州縣不至受累總之不使小民喫虧是一定辦法鈞意如何仍乞賜教

袁宮保來電

七月二十九日並致張筱帥

杏翁勘電所籌購礦事慮周藻密用意闊活於無形中力爭上游抵制外人於不覺爲晉礦今日最妙辦法請飭董道等照辦鄭道在直有要差原議借用兩月卽回臨城並懇杏翁飭張金生速往勘周玉帥來電

八月初一日

路地免糧事緩議最妥尊見甚佩駕何日出京甯

滬鐵路首站在儀鳳門外華洋皆謀買地望速派員指定路站地段

寄袁宮保

八月初一日

昨函請卽酌復陸徵祥因與俄不洽自行請假回華機會甚好鄭孝胥與岑不合而行實是美才沙多尤憚之

袁宮保來電

八月初一日

陸鄭均佳才請公酌定近日事冗應接不暇遲復祈諒

寄美京梁大臣

八月初一日

合興按用款三百六十萬索利應駁甚多國票六百二

愚齋存彙

卷六十八

電報四十五

憲思補樓藏版

十二萬應全數收回

寄張宮保

八月十七日

京漢全路完工擇於十月十六日在黃河橋邊行告成典禮客車卽於是日過橋並擬奏派大臣驗收工程宣謬蒙保薦勉竭駑鈍幸底於成現已請派會辦大臣

旨令商部北洋議復日內揭曉除鈔咨外鈞意諒以爲

蘇撫陸春帥來電

八月二十四日

武陽紳士劉君翊宸等公函以甯滬鐵路會議另籌自辦囑轉電告並謂有函徑達左右當已邀鑒

周玉帥來電

八月二十五日

頃接江陰南菁高等全校生來電甯滬路政除電同鄉京官堅主收回仍乞公主持等語此事請會貴同鄉諸公商酌妥法以免風潮

寄陸春帥

八月二十六日

劉紳等鑒於浙路函商自辦現經京官集議滬甯路工已成一半若欲中止英斷不允且亦難籌鉅款惟有陸續籌款陸續收票昨日寄諭公與玉帥會籌務請大府援照各省設法籌款能先得三百萬兩便有辦法餘俟到滬後函詳

寄周玉帥

八月二十七日

甯滬鐵路同鄉京官會議工程及半與他處不同惟有  
減少借款一面陸續籌款陸續贖票已奏准有一旨交  
尊處會同蘇撫籌辦公日內奉到 寄諭如何辦法候  
示遵行

又 八月二十九日

甯滬只須先籌三百萬兩便有極好辦法擬俟尊處來  
咨再行詳細咨復並另函布弟今晚由津回滬

寄浙撫聶仲帥

九月初六日

八月二十五奉 寄諭前與英商訂立蘇杭甬草合同

責成宜懷磋商收回自辦並會同尊處妥速籌辦等因  
初三到滬卽與湯劉京卿面商頃已函致英公司訂購  
至鐵路總公司會議撤廢應請尊處迅派代表人來滬  
會同籌辦該公司復信到日恐未便遲延切盼電示

杭州聶仲帥來電

九月初七日

飭廢蘇杭甬草約 廷寄諒已同奉此路正約延  
宕七年未訂亦未聞有借款等事現浙紳請收回  
自辦據理力爭較之粵漢似略易於措詢緝於當  
日訂約情形雖未詳審旣奉 諭飭公固責無旁  
貸緝亦義不容辭乞卽就近主持磋商並將辦法

隨時指教如有驅策之處緝決不敢畏難推諉也

寄京外務部商部

九月初九日

奉 廷寄責成宣懷與英商收回蘇杭甬自辦抵滬卽與湯劉京卿面商並函致英商銀公司訂期會議遵

旨撤廢頃接英公司復函稱奉來函錄 旨飭訂期會

議撤廢蘇杭甬事查此路草合同乃貴大臣前經貴政府認許簽押者曾鈔稿呈送使署備案今我等會議之前必須請示薩使望將此事暫行緩議候公使回示云除電浙撫迅派代表先期來滬以便屆時邀同湯劉京卿合力磋商期於必廢外乞大部迅催薩使電飭英公

司速來議廢並候賜復

張宮保來電

九月十一日

盧漢鐵路乃吾兄一人之功此合同亦最妥善乃全功既成接辦屬之他人未免不公閣下讓德雅度深可佩服

寄張宮保

九月十二日

盧漢幸不辱命何敢居功公且示讓矧在下走此路借款不過三千數百萬能及吾二人目中歸款乃無餘憾容俟面商

寄美京梁大臣

九月十二日



總公司墊付粵漢勘路費四萬餘兩又惠迪爾承認福  
開森赴美川資電報費一萬三千七百餘兩又停工後  
開發各欠一萬五千五百餘兩請向合興索還祈復

寄天津袁宮保武昌張宮保開封陳中丞

九月十五日

黃河橋工告竣擇定十月十七日開車過橋爲京漢行  
車之始已會奏請派大臣十六由京起程赴河驗收是  
日比法使比董均往看視橋工直鄂豫三大帥能否親  
臨藉光盛典如蒙親臨帶員幾位或派印委大員代往  
請將同行人數迅賜電示以便預備車輛及接待住宿

諸事

外務部來電 九月十五日

准比使照稱京漢鐵路合同末尾載明如將來粵漢鐵路美公司不能辦理若中國仍同他國辦理此路先儘比國公司商董辦理等語查此事准尊處上年函電內開此皆指兩國草約有無中變而言不過借此互相激勵其成功故不載入合同及詳細合同定後此說早廢等因本部所錄漢文合同內亦無此說現該使仍執以爲據應由尊處自與辨論明白並希電復

寄外務部 九月十六日

咸電比使所稱粵漢鐵路美公司不能辦先儘比公司等語此函係在比美兩公司正約未定之前皆指草約不能辦而言今美公司係因他故中止比公司何能執以爲據況粵漢係歸中國自辦又安有先儘比公司之說已專札柯道赴京與比使辯論矣

商部來電

九月二十三日並致江督周蘇撫陸

頃據編修潘鴻鼎等聯名呈稱滬甯購地築路已接展至蘇常而上海寶山兩縣所需之地上年購齊乃該公司於本年六月間尙飭人購寶山民地二百畝上海念七保十一圖內聞又圈購二百餘

畝民之黠者減價售與洋人或挂洋商牌號懦者  
祇可照官價減半交割上寶地價官價每畝給五  
百兩左右姑以購地五百畝言之約費二十五萬  
該公司用款之鉅輿論業已大譁乃尙藉官家之  
借款置暗中之私產 國家承認洋款之鉅息公  
司希圖販售之餘利如此漫無限制不無淵魚叢  
爵之虞合乞電飭嚴禁多購以杜巧佔等情查江  
蘇地賦重公司多購無裨路務適足損國病民  
自應予以限制希卽酌辦電復

寄北京商部南京周制軍蘇州陸中丞 九月二十六日

部漾電甯敬電謹悉滬甯購地至蘇常係軌道所用之地上海老站應拓停車場潘家灣應添雜貨棧蘊藻濱應設機器廠地均未備前因言官片奏滬甯購地太多分設管理處購地局通盤估計覈實稟復旋據稟稱英金廿五萬鎊合華銀一百八十餘萬滬至錫約用九十萬現辦之錫甯地基約需八十萬以英金購軌地約餘十萬兩總工程司續送地圖三紙一老站接連滬地二百十三畝二堆貨棧二百十八畝三機器廠二百六十七畝連同併購畸零地總數七百餘畝道契較多每畝一千四五百兩至二三千兩不等尙須循例公斷民地

亦隨加漲不遵官價除餘款外約不敷銀七八十萬兩  
請商銀公司另籌現在尙未丈購等語是工程司續送  
地圖均係總站要需尙不止公呈所稱四百餘畝款未  
籌定尙未開購前慮黠民朦轉道契先請界址商由關  
道轉飭縣局押保吊戳候路地購齊再准外售目前地  
價未發分文自無懦者硬給半價之事至全路已購之  
地照章繕具正副契二紙正契照約抵押副契留儲公  
司事竣造冊報部並隨時咨督撫飭縣過入鐵路戶名  
向來立法防弊甚嚴斷無巧取豪奪販售漁利等事謹  
詳復乞公鑒

愚齋存彙

卷六十八

電報四十五

三

思補樓藏版

張宮保來電 九月二十八日並致岑雲帥

頃據接收粵路委員王道秉恩電合興所派交路  
洋員西圖尙有帳簿一本未交所收車費未還契  
根亦未交全刻卽欲離粵應請急電盛大臣暨雲  
帥阻止等語查該洋員經收自去年停工後之車  
費三十餘萬元全行任意開銷洋匠薪水毫無情  
理荒謬已極帳未交清豈能離粵務望杏翁立卽  
電飭該洋員將款目交代清楚方准回國並祈雲  
帥迅告美領事轉飭該洋員遵辦萬勿擅離切禱  
仍祈電復

寄張宮保 九月二十九日

勘電已照飭行車監督溫道宗堯催令洋員將款目交清方准回國但西圖因係比人總公司向未認彼恐彼亦不遵我令西圖交粵路梁大臣電鈞處稱爲合興所派則西圖交代仍應責成合興合興以還款收路辦法訂自美京做處不干預電去卽亦不復應請鈞處電致梁大臣與合興理論方可接洽因西圖惟合興之命是聽而合興亦惟梁大臣之命是聽也



愚齋存彙卷第六十八